

Aðgangur að Bústofni er fenginn með Íslykli eða rafrænu skilríki. Aðgangur opnast þegar kennitala og lykilmúmer hafa verið skráð. Íslykill er gefinn út af Þjóðskrá og er lykilorð tengt kennitölu einstaklings eða lögaðila.

Nánari upplýsingar um Íslykil má nálgast á síðunni www.island.is. Hafi ekki verið sótt um Íslykil er hægt gera það eftir aðgangur að skýrslu hefur verið ræstur með hnappnum sem sýndur er á forsíðu Bústofns. Íslykil er hægt að fá sendan í heimabanka og tekur það um 5-10 mínútur. Eins er hægt að fá hann sendan í bréfpósti og tekur það 4-6 virka daga.

Eingöngu er einn umráðamaður búfjár skráður á hvert búsnúmer þó fleiri búfjáreigendur geti verið skráðir undir sama búsnúmeri. Umráðamaður búfjár er eigandi búfjár eða aðili sem er ábyrgur fyrir fóðrun, aðbúnaði og vörslu í samræmi við gildandi reglur í viðkomandi sveitarfélagi og samkvæmt samningi milli aðila.

Þeir sem ekki hafa tök á því skila sjálfir í gegnum Bústofn, stendur til boða þjónusta Ráðgjafarmiðstöðvar landbúnaðarins (RML) við skil á haustskýrslu. Fyrir þá þjónustu er innheimt samkvæmt gjaldskrá RML. Hafa má samband við RML í síma 516-5000, eða með tölvupósti á netfangið rml@rml.is.

Eftirfarandi eru leiðbeiningar um útfyllingu þeirra þátta sem skrá skal í Haustskýrslu

Upplýsingar birtast úr skýrsluhaldskerfum og/eða hjarðbókum í Bústofni. Upplýsingar um sauðfé eru sóttar úr Fjárvisi (www.fjarvis.is) og birtast aðeins hjá þeim sem hafa gengið frá haustskilum skýrsluhaldsins vegna skýrsluhaldsársins 2018. Upplýsingar um nautgripi eru sóttar úr HUPPU (www.huppa.is) og eru miðaðar við skráða nautgripi á lífi á þeim tíma sem haustskýrsla er sótt. Í Athygli er vakin á að búfjáreigendur sem eingöngu hafa umráð yfir hrossum geta nú sótt upplýsingar og skráð haustskýrslu í gegnum WorldFeng (www.worldfengur.com) og miðast fjöldataölur við fjölda skráðra hrossa í umráði þess sem skilar skýrslu. Vakin er sérstök athygli á að leiðbeiningar fyrir skráningu í gegnum WorldFeng er að finna í Heimarétt WorldFengs og á heimasíðu Matvælastofnunar.

Upplýsingarnar eru sóttar sjálfkrafa í skýrsluhaldskerfi/hjarðbækur og tölur um fjölda dýra eru birtar lengst til hægri í sömu línu og innsláttarsviðin. **Athugið að færa þarf tölur um fjölda dýra á lífi í viðeigandi innsláttarsvið til vinstri á myndinni.** Vinsamlegast yfirfarið tölur um fjölda dýra á lífi, sem eru sóttar í skýrsluhaldskerfin. Ef tölur eru rangar er réttast að leiðrétta þær í skýrsluhaldskerfunum sjálfum og ganga síðan frá haustskýrslu. **Allar tölur skulu yfirfarnar á ábyrgð umráðamanna sem staðfestir með því að skila haustskýrslu að þær séu réttar.**

Þrátt fyrir þessar viðbótarupplýsingar úr skýrsluhaldskerfum/hjarðbókum þarf **að færa inn upplýsingar um fjölda búfjár í viðeigandi reiti (innsláttarsvið) vinstra megin á síðunni og að skráningu lokinni fyrir hverja búfjártegund að smella á hnappinn SKRÁ.**

Að gefnu tilefni er rétt að áréttu að sérstök aðgerð er til þess að skila haustskýrslu þegar skráningu er lokið. Það er gert með því að smella á hnappinn „SKILA“, að lokum þarf að smella á hnappinn neðst á síðunni „Skila haustskýrslu“.

Skráning fjölda búfjár

- Skrá skal fjölda nautgripa, sauðfjár/geita, svína, loðdýra eftir aldri og kyni, eins og hann er í **nóvember**.
- Skrá skal venjulegan/meðalfjölda **alifugla** sem eru samtals á búinu á árinu þ.e. þann fjölda sem hefur verið að staðaldri í öllum húsum á viðkomandi búi, jafnvel þótt að hús sé tómt á þeim tíma sem skráning fer fram.

Árðandi er að eftir skráningu á hverri búfjártegund fyrir sig sé ýtt á „Skrá“.

Skráning fóðurs

- Tegund
Velja skal tegund fóðurs eftir vallista sem upp kemur ef ýtt er á örina
- Uppruni
Velja skal uppruna (uppskera – fyrning – keypt). Svartur punktur kemur við val
- Fjöldi
Skrá skal fjölda af rúllum eða ferböggum (ef um þurrhey eða laust fóður er að ræða er sett 1 fyrir hverja hlöðu/geymslu í þennan reit).
- Stærð;rúmmetrar
Skráð er stærð á rúllum eða ferböggum af vallista sem kemur upp.
- Kg þe./rúmmeter
Er valið úr vallista sem kemur upp
- Fóðurgildi
Er valið úr vallista sem kemur upp

Árðandi er að eftir skráningu á hverri fóðurtegund fyrir sig sé ýtt á „Skrá“.

Skráning landstærða

Á haustskýrslu skal skrá landstærðir (ha) og sundurliða á eftirfarandi hátt:

- Korn, slegið í grænfóður
- Grænfóður, beitt og uppskorið
- Slegin tún (heildarstærð og endur-eða nýræktuð á síðustu 5 árum)
- Stærð beitalanda utan túna og afrétta (sundurliðað í eigin land og í eigu annarra)

Árðandi er að eftir skráningu á hverri landstærð fyrir sig sé ýtt á „Skrá“.

Beiðni um leiðréttingu á haustskýrslu.

Eftir að lokað hefur verið fyrir haustskýrsluskil er hægt að senda inn beiðni um leiðréttingu á haustskýrslu. Sá möguleiki er einungis í boði fyrir þá sem hafa þegar skilað haustskýrslum. Dýraeftirlitsmaður viðkomandi umdæmis fer yfir beiðnina og sannreynir upplýsingar.

- Fara skal inn á www.bustofn.is á sama aðgangi og haustskýrslu var skilað á.
- Velja skal „beiðni um leiðréttingu“
- Í athugasemdarálk skal leiðrétta fyrri skil með skilmerkilegum hætti t.a.m. tegund búfjár og búfjáfjölda sem um ræðir.
- Rökstuðningur fyrir leiðréttingu.